

Espediente-kodea: 2023NOTI0773

OKITAÑO BARATZA PARKE ELKARTEA
KURTZEBIDE KALEA 30
20560 - OÑATI
GIPUZKOA

AKORDIO JAKINARAZPENA

Udal Osoko Bilkurak 2023ko uztailaren 20an egindako bileran, besteak beste, ondorengo erabakia hartu zuen:

“10.- Onartzea, hala badagokio, Alkateak gai honi buruz egindako proposamena: Okitaño baratza elkartearekin 2023-2027rako lankidetza hitzarmena onartzea, ingurumen informazio batzordean diktaminatua 2023ko uztailaren 12an.

Idazkariak Alkatetzaren proposamen hau irakurri du -dagokion batzordeak eman zuen horren gaineko irizpena:

Gaia: Okitaño baratza elkartearekin 2023-2027rako lankidetza hitzarmena onartzea.

Aitor Gerenabarrena Osa jaunak (Nekazaritza-Auzoak eta Ingurumen teknikariak) bere aktan jasotzen duenez, 2023ko uztailaren 12an egindako ingurumen batzordean, aldeko irizpena jaso zuen honako proposamenak:

“Okitaño baratza elkartearekin 2023-2027rako lankidetza hitzarmen proposamena (634/esp)

2016ko urtarrilaren 20an Ingurumena eta Landa Garapen Batzordeak egindako bileran, besteak beste, Okitaño Baratza Elkarteak 2016ra begira aurreikusten zituen gastu zein inbertsioei aurre egiteko laguntza eskaeraren aurrean, Okitaño Baratza Elkartearekin hitzarmen eredu bat prestatu eta, bide batez, hitzarmenaren baitan finantzazio proposamen bat jasotzeko proposamena egin zen.

2016ko martxoko Osoko Bilkuran delako lankidetza hitzarmena onartu zen. Kontuan izanda aipatu hitzarmenaren indarraldia 2014eko abenduaren 15eko Alkate Dekretuz esleitutako ortuen erabilera-baimenarekin batera iraungi zela, 2019-2023rako hitzarmena berritu zen Udal Osoko Bilkurak 2019ko urriaren 31an hartutako akordio bidez.

Hauek dira hitzarmenaren ildo nagusiak laburbilduta:

■ *Helburua:* uzten diren ondasunak, funtzionamendu eta koordinazio irizpideak zein finantzazio kopurua eta baldintzak finkatzea.

■ *Ondasunak:* erremintaz gain, Aldakiño ondoko zelaia uzten zaie erabilera komunerako.

■ *Udalaren ahalmenak eta betebeharrak:* mantenu bereziak egitea eta ortuak esleitzea

■ *Elkartearen ahalmenak eta betebeharrak:* erregelamenduak jasotakoak eta aseguru poliza izatea

■ *Mantentze eta finantziazio gastuak:* elkarteak argindar- eta ur-gastuei aurre egin. Udalak diru-laguntza zuzena eman ahalgo die, betiere, ondasun iraunkor bezala kontsideratzen diren gastuei aurre egiteko, honako baldintzapean: Udalaren aurrekontuak ahalbidetzen duten heinean eta urtero ezarriko litzatekeen diru-atala agortu arte.

■ Ordenantza fiskalaren aldaketa eta bermeak: 2016ko tasa 5 €-tan ezartzen da, bermea norbanakotik elkartearen izenera aldatzen da.

Kontuan izanda aipatu hitzarmenaren indarraldia 2023an iraungi dela, hitzarmena berritu beharra dago.

Helburu horrekin, teknikariak orain arte indarrean egon den hitzarmena aurkeztu du.

Gaia aztertu ondoren, Ingurumen batzordeak aho batez eskatu dio Udal Osoko Bilkurari Okitaño baratza elkartearekin 2023-2027rako lankidetzara onar dezala.”

40/2015 Legea, urriaren 1ekoa, Sektore Publikoaren Araubide Juridikoarena ikusita, eta bereziki, honako artikulua hauek nabarmendu behar dira:

“-47. artikulua. Definizioa eta hitzarmen motak.

1. Hitzarmenak dira ondorio juridikodun akordio batzuk, administrazio publikoek, haiei lotutako edo haien mendeko organismo publikoek eta zuzenbide publikoko entitateek edo unibertsitate publikoek beren artean edo zuzenbide pribatuko subjektuekin sinatuak, xede komun bat lortze aldera.

Ez dira hitzarmentzat hartzen jarduketako protokolo orokorrak edo antzeko tresnak, baldin eta eduki orokorreko asmoen deklarazio hutsak badakartzate edo administrazioek eta alderdi sinatzaileek helburu komun batekin jarduteko duten borondatea azaltzen badute, betiere haien ondorioz ez bada konpromiso juridiko zehatz eta eskatzeko modukorik formalizatzen.

Hitzarmenek ezingo dute xedetzat hartu kontratuen berezko prestazioak. Xede hori hartuz gero, haien izaera eta araubide juridikoa sektore publikoko kontratuen legerian aurreikusita dagoenari lotu beharko zaizkio.”

-48. artikulua.

3. Hitzarmenak sinatuz kudeaketa publikoaren efizientzia hobetu beharko da, bitarteko eta zerbitzu publikoen baterako erabilera erraztu, erabilgarritasun publikoko jarduerak egin daitezen lagundu, eta aurrekontu-egonkortasunerako eta finantza-jasangarritasunerako legeria bete.

5. Finantza-konpromisoak jasotzen dituzten hitzarmenek finantzen aldetik jasangarriak izan beharko dute, eta sinatzen dutenek gaitasuna izan beharko dute hitzarmenaren indarraldian beren gain hartutakoak finantzatzeko.

6. Sinatzaileek hitzematen dituzten finantza-ekarpenak ezingo dira izan hitzarmena gauzatzearen ondoriozko gastuak baino handiagoak.

7. Hitzarmenak dirulaguntza bat bideratzen badu, Dirulaguntzei buruzko azaroaren 17ko 38/2003 Lege Orokorrean eta, hala badagokio, aplikatzekoa den autonomia-erkidegoko garapen-araudian aurreikusitakoa bete beharko du.

8. Alderdiak adostasuna emanaz burutzen dira hitzarmenak.

49. artikulua. Iraupena:

“h) Hitzarmenaren indarraldia, arau hauek kontuan hartuta:

1. Hitzarmenek iraupen jakin bat izan beharko dute, gehienez ere lau urtekoa, salbu eta araudian epe luzeagoa aurreikusten bada.

2. Aurreko paragrafoan aurreikusitako epea amaitu aurreko edozein unetan, hitzarmena sinatzen dutenek aho batez erabaki ahal izango dute beste lau urtez luzatzea edo iraungitzea.”

50. artikulua. Hitzarmenak sinatzeko nahitaezko izapideak eta haien ondorioak.

“1. Autonomia-erkidegoetako legeriak aurreikus ditzakeen berezitasunak gorabehera, hitzarmenak justifikazio-memoria bat beharko du, zeinean aztertuko baitira hitzarmenaren premia eta egokitasuna, eragin ekonomikoa, dena delako jardueraren kontratuz bestelako izaera, eta lege honetan aurreikusita dagoena betetzea.”

Halaber, Gipuzkoako tokiko sektore publikoko entitateen barne kontrolaren araubide juridikoa erregulatzen duen abenduaren 27ko **32/2018 Foru Dekretuak**, 3. artikuluan 1 eta 2 ataletan honakoa xedatzen du:

“1. Tokiko sektore publikoaren jarduera ekonomiko-finantzarioaren barne kontrola organo kontu-hartzaileak egingo du eginkizun kontu-hartzailearen eta kontrol finantzarioaren bidez. Bi ariketa moduetan, 21/2003 Foru Arauaren 68. artikuluan aipatutako eraginkortasun eta efizientzia kontrola ere sartuko da.

2. Eginkizun kontu-hartzailearen xedea da toki entitatearen eta bere organismo autonomoen egintzak kontrolatzea, haien sailkapena edozein izanik ere, baldin eta egintza horien ondorioz eskubideak onartu edo gastuak egiten badira, bai eta haietatik eratortzen diren sarrerak eta ordainketak nahiz haien funts publikoen inbertsio edo aplikazio orokorra ere, ziurtatu nahi baita haien kudeaketa kasu bakoitzean aplikagarri diren xedapenekin bat datorrela.”

Diru-laguntzei buruzko azaroaren 17ko 38/2003 Lege Orokorrak eta hura garatzen duen Erregelamenduak (887/2006 Errege Dekretua) eta Udalaren Diru-laguntzei buruzko Ordenantza Orokorrak ezarritakoa kontuan hartuta.

38/2003. Legean nabarmentzekoak dira artikulua hauek:

30.2 artikulua: *“Justifikazio-kontua ematea onuradunaren edo erakunde laguntzailearen nahitaetzko egintza da, eta bertan sartu behar dira, aitortzailearen erantzukizunpean, gastuaren egiaztagiriak edo dirulaguntzaren xedea bete dela egiaztatzeko balio juridikoa duen beste edozein dokumentu. Justifikazio-kontuaren forma eta hura emateko epea diru-laguntza publikoak arautzen dituzten oinarrietan zehaztuko dira.”*

34.3 artikulua: *“Onuradunak diru-laguntzaren xede den jarduera, proiektua, helburua edo portaera gauzatu izana justifikatu ondoren ordainduko da dirulaguntza, dirulaguntza arautzen duen araudian ezarritakoaren arabera.*

Justifikaziorik ez badago edo lege honen 37. artikuluan aurreikusitako arrazoiren bat gertatzen bada, diru-laguntza osorik edo zati batean kobratzeko eskubidea galduko da.”

Gaia azterturik, eta ingurumen batzordearen aldeko irizpena izanik, Osoko bilkurari honako hau proposatzen diot:

Lehenengoa.- Okitaño baratza elkartearekin 2023-2027rako lankidetzak hitzarmena onartzea eta horretarako adostasuna ematea, espedientean dagoen zirriborro dokumentuaren arabera.

Bigarrena.- Hitzarmen honek 4 urteko iraupena izango du, eta behin igarota indarririk gabe geratuko da.

Hirugarrena.- Hitzarmen honek dakartzan ondorio ekonomikoak onartzea dagokion diru-atalaren eta bere lotespen-mailaren kargura eta baita hurrengo urteetarako dagokion egokitzapen gastua. Hurrengo urteetarako hitzarmenetik eratorritako betebeharrei erantzuteko behar den kreditua gorde eta gaitu beharko da, kontuan hartuta diru-laguntza emateko ezinbestekoa dela kreditu egokia eta nahikoa egotea diru-laguntza emateko ebazpena emateko unean.

Laugarrena.- Oñatiko nekazaritza-auzoak eta ingurumen teknikaria izendatzea Oñatiko Udaleko arduradun, hitzarmen hau behar bezala bete eta garatzeko.

Bostgarrena.- Erabaki hau kontu-hartzaileari eta teknikari sustatzaileari jakinaraztea.

Seigarrena.- Erabaki hau interesdunari jakinaraztea.

Zazpigarrena.- Alkateari ahalmena ematea hitzarmena eta akordio honekin zerikusia duten beharrezko agiriak sinatzeko.

Gaia aztertuta, eta ingurumen informazio batzordearen irizpena kontuan hartuz, udalbatza osatzen duten hamazazpi zinegotzietatik hamabost bertaratuta, alkateak bozketa agindu du. Proposamena zinegotziek aho batez onartu dute. ”

Jakin dezazun eta behar diren ondorioetarako adierazten dizut hori, Oñatin, sinadura digitalean ageri den datan.

ESKU93a6f3c8-a712-4e4b-a2f5-906000948538

INPUGNAKETA-BIDEAK

Honen berri ematen dizu(e)gu dagozkion ondorioetarako. Bide batez, administrazio-bidea amaitzen duen egintza horren aurka administrazioarekiko **AUZI-ERREKURTSOA** aurkez dezakezu Administrazioarekiko Auzitarako Epaitegian, Donostian, **BI HILABETEKO EPEAN**, jakinarazpen hau jaso eta hurrengo egunetik kontatzen hasita, administrazioarekiko auziak arautzen dituen uztailaren 13ko 29/1.998 Legearen 8. eta 46. artikuluan ezarritakoaren arabera, Herri Administrazioen Administrazio Prozedura Erkidearen urriaren 1eko 39/2015 Legearen 114. c) artikuluekin bat etorritz.

Nolanahi ere, **nahi izanez gero**, aurreko idazatian adierazitako administrazioarekiko auzi-errekurtsoaren aurretik, **BERRAZTERTZEKO ERREKURTSOA** aurkez diezaiokezu ebazpena eman zuen organoari (Helmuga digitaleko Kodea L01200599) **HILABETEKO EPEAN** jakinarazpena jaso eta hurrengo egunetik kontatzen hasita.

Hori guztia, aurretik adierazitako urriaren 1eko 39/2015 Legearen 123. eta 124. artikulua eta kidekoetan ezarritakoarekin bat etorritz, eta zure eskubideak babesteko egoki irizten dituzun egintza edo errekurtsok aurkezteari kalterik egin gabe.

MEDIOS DE IMPUGNACION

Lo que se le/s notifica a Vd/s. a los efectos procedentes, significándole/s que, contra el citado acto expreso, que es definitivo en vía administrativa, podrá/n Vd/s. interponer en el plazo de **DOS MESES**, contados desde el día siguiente al de la recepción de la presente notificación, **RECURSO CONTENCIOSO ADMINISTRATIVO** ante el Juzgado de lo Contencioso Administrativo con sede en Donostia-San Sebastián, a tenor de lo establecido en los art. 8 y 46 de la Ley 29/1.998 de 13 de julio, reguladora de la Jurisdicción Contencioso-Administrativa, en concordancia con el art. 114.c) de la Ley 39/2015, de 1 de octubre del Procedimiento Administrativo Común de las Administraciones Públicas.

No obstante, **con carácter potestativo**, y previo al Recurso Contencioso-Administrativo señalado en el párrafo anterior, contra la resolución expresa que se le notifica, podrá/n Vd/s. interponer **RECURSO DE REPOSICIÓN**, ante el mismo órgano que lo dictó (Código digital de destino: L01200599), en el plazo de **UN MES** que se contará desde el día siguiente al de la fecha de la recepción de la presente notificación.

Todo ello, conforme a lo establecido en los artículos 123, 124 y concordantes de la Ley 39/2015 de 1 de octubre, anteriormente señalada, y sin perjuicio de cualquier otra acción o recurso que estimare/n oportuno interponer para la mejor defensa de sus derechos.



Sinaduren laburpena / Resumen de firmas

Titulua / Título:

2023NOTI0773-OB-jakinarazpen elektronikoa/PM-notificación electrónica